

## Malaysia yakin capai 20 negara terbaik dunia 2050

[FOTO SALHANI IBRAHIM/BH]



**Rohani memalu gong** pada perasmian Forum Pengurusan Transformasi Sosial Peringkat Menteri Asia Pasifik di Hotel Sunway Putra, Kuala Lumpur, semalam.

**Kuala Lumpur:** Harapan Malaysia menjadi 20 negara terbaik dunia menjelang 2050 dilihat semakin menjadi kenyataan berdasarkan pencapaian positif beberapa kajian peringkat antarabangsa.

Antaranya, Indeks Kesejahteraan Dunia Persatuan Bangsa-Bangsa Bersatu (WHI) dan Indeks Pembangunan Manusia (HDI), membuktikan transformasi sosial rakyat Malaysia amat memberangsangkan dalam beberapa aspek yang dinilai secara menyeluruh.

Menteri Pembangunan Wanita, Keluarga dan Masyarakat, Datuk Seri Rohani Abdul Karim, berkata dalam usaha menyediakan pembangunan masyarakat inklusif, kementerian menyasarkan lapan kumpulan masyarakat serta enam strategi yang dilaksanakan dalam Rancangan Malaysia Ke-Sebelas (RMKe-11).

"Lapan kumpulan itu meliputi

wanita, keluarga, warga tua, pertumbuhan bukan kerajaan, mangsa bencana, kanak-kanak dan orang kelainan upaya.

"RMKe-11 menekankan potensi masyarakat terhadap pembabitan dalam bidang ekonomi tanpa mengetepikan sebarang kaum," katanya semasa berucap merasmikan Forum Pengurusan Transformasi Sosial Peringkat Menteri Asia Pasifik (MOST) yang dihadiri 75 negara di Hotel Sunway Putra, semalam.

Dalam pada itu, beliau juga memaklumkan dua kementerian lain yang diwakili Menteri Pendidikan, Datuk Mahdzir Khalid serta Timbalan Ketua Setiausaha (Perancangan dan Komersial) Kementerian Sains, Teknologi dan Inovasi, Kua Abun turut membuat pembentangan dan mengetuai perbincangan yang berbaki dua hari lagi.